

Տե՛ս 'ի Գեղար Հ. Մ. Չափէան. Պատ. Հայ. Հատ. Գ. Երես 53 :

Իսկ թագաւորն Բալտովին, պաշարեաց զԱսկաղոն քաղաք զամ մի ողջոյն, և սաստկացուցեալ զմարտն էառ զայն 'ի ձեռաց այլաղգեաց նիզակակցութեամբ տաճարական ասպետաց. զոմանս կոտորելով և զայլս արտաքսելով 'ի քաղաքէ անտի, ելից քրիստոնէիւք, և կանգնեաց զՍ. Սահն 'ի վերայ պարսպաց նորին (1153. 'ի 15 Օգոստոսի), յաւուր տօնի փոխման Մ. Կուսին: Եւ ուղղեաց զարչաւանս իւր 'ի Դամասկոս, էառ զԿեսարիա Փիլիպպեայ եւ նորոգեաց զնա. զի յառաջագոյն Սուլթանն Բերիոյ և Դամասկոսի առեալ զայն 'ի ձեռաց Լատինաց՝ 'ի հուր դատեալ էր բաց յամրոցէն: Սակայն սրամտեալ Նուրէտտինայ վերջստին էառ զայն 'ի ձեռաց նոցա յաւուրս Ամաւրի թագաւորին, և իսպառ եղծեալ ասպականեաց զնա, եւ այլ ոչ եւո յաւել կանգնել յաւերակաց իւրոց:

Բալտովին Գ. վարեալ զԻշխանութիւն թագաւորութեան ամս 20. մեռաւ (1160):

Գ Լ Ո Ւ Խ Ժ Թ.

Արչաւանք Ամաւրիայ: Շիրքու և Սալահատտին: Բարձունի Իշխանութեան Պաթիմեանց: Նորոգութիւն Եկեղեցւոյն Բեթղեհէմի: Թագահի Մանուէլի Կայսեր. Մահ Նուրէտտինայ և Ամաւրեայ. Մեծութիւն Սալահատտինի:

Յեա մահուան Բալտովինի Գ. թագաւորեաց յերուսաղէմ եղբայր նորին Ամաւրի կամ Ալմերիկոս (1162) : Եւ զի նախորդք իւր՝ որք բացեալ էին ճանապարհ արչաւել 'ի սահմանս Եգիպտոսի, սա առաւել եւս ընդարձակեաց զայն, հարկատու կացուցեալ զայլաղգիսն Եգիպտոսի եւ յարձակեալ 'ի վերայ նոցա 'ի նեղ արկ զԽալիֆայն եւ թռնութեամբ տիրեաց Պլզէս քաղաքի, աւարի էառ զինչս նորա, եւ զբազումս 'ի բնակչացն կոտորեաց, և զայլնս վարեաց 'ի գերութիւն: Եւ յարուցեալ անտի էջ 'ի վերայ Գահիրէ քաղաքի և պաշարեաց զնա: Իսկ Շապէր,